

Fwen Fanj Fujbai

反 腐 歌

□ Liengz Fuvungz / 梁富容

Dangj hai Cibgouj Daih
Raeuz daihgya caez rox
Fujbai gazfwngz coq
Byaij diuz loh seuqcingh

Yaek cienzmienh ceih dangj
Mbouj hawj ndang miz bingh
Fujbai mbouj cawz cingh
Gwnzbiengz ningswdswwd

Byaij hwnj gij roen moq
Cawz gwnz loh rin lanz
Boux fujbai mbouj banh
Nanz haidin baenaj

Raeuz ndaem haeux baenzbungj
Dungxiek vih gijmaz
Miz duznou ndaw naz
Caeg da haeux bae gwn

Raeuz cae reih gwnz bya
Vih gijmaz gemj canj
Miz gaenglingz daeuj fan
Doeklaeng gan guh hong

Youq gyang doengh ndaem haeux
Wng haeujsim fuengz non
Hwnz ngoenz gaenx bae ngonz
Daengz gonz cij ndaej dem

Gij naz youq bakdou
Aeu fuengz mou fuengz gaeq
Daengz haeux mwh yaek ndaej
Bae dawz fuengz vunz caeg

Raeuz ndaem haeux maj sang
Dangh miz non daeuj haeb
Vanq yw gaj non raeg
Gohaeux caeb baenz bo

Guh fujbai sim nduk
Lumj duzguk ndaw laep
Daengz gyanghaemh ninz ndaek
De daeuj caeg mougaeq

Guh fujbai sim haeu
Doengz ndaw laeuj fat non
Ciengx mou raeuz gaenx bonj
De swnh mon caeg yien

Guh fujbai sim naeuh
Doeg gvaq gaeugoensaej
Raeuz ndaem haeux yaek ndaej
De dawz feiz bae lag

Duznyaek caeg gwn byaek
Duzguk caeg gwn vaiz
Song duz neix sim vaih

Gwn vunzlai lwedhanh

Nohbya dwk ndaw giuq
Duznyaek ciuz bae cung
Cwz yiengz langh ndaw rungh
Guk baez bungz coemj gwn

Duzguk caeg mou gaeq
Duznyaek gyaез caeg ngaiz
Guhcaeg ceiқ ndaej lai
Deuz baihrog bae ndoj

Bouxfujbai guhcaeg
Baenzgoenz caeg mou gaeq
Dwk ngaenz guek coq daeh
Sai cienz lae lumj dah

Bouxfujbai sim vaih
Haih lwgminz guekgya
Dam aeu ngaenz baema
Dawz bae saj guh'angq

Gungcanjdangj yinghmingz
Fanj fuj dingh ndaej hingz
Ciengxlwenx hix mbouj dingz
Lwgminz sing hemq ndei

Dangj lumj bohme h raeuz
Raeujrub lumj daengngoenz

Vih lwgminz bae hoenx
Foенxfoenx bekwngz haenh

Gungcanjdangj yinghmingz
Gingz gij geiz fanj fuj
Genheiz roengzrengz guh
Duznyaek menh mbouj raen

Dangj vih minz cawz haih
Fanj fuj dai mbouj daengx
Guk laux dawz bae gyaeng
Duznyaek laengz ndaw muengx

Gungcanjdangj caen ndei
Mbeihung bae buekmingh
Guk laux hix gamj ning
Gaenglingz hix aeu coemj

Guk laux hix aeu gyaeng
Gaenglingz hix aeu gaemh
Nengznyaek ndoj henz daemz
Caemh deng coemj dauqma

Mbin hwnj mbwn hix nyingz
Ndoj roengz congh dingh bywnj
Cingq seizneix doek fwn
Swiq gwnzbiengz ndaej cingh
(caengz sat)

Mizndang Cib Ndwen Meh Sinhoj

十月怀胎娘辛苦

□ Vangz Gozgvanh / 黄国观

Mizndang ndwen daih'it,
Meh fatnit fatboengz,
Mbouj sek gwn mbouj roengz,
Gijmaz doeng mbouj ngah.

Mizndang ndwen daihngeih,
Ceiq maij ninz maij manz,
Vunz heuh doeng gik han,
Youq ranz mbouj okrog.

Mizndang ndwen daihsam,
Hozhawq lumj camz coeg,
Lwgrangj hainduj goeg,
Rubmyaiz hoeg beij ngoenz.

Mizndang ndwen daihseiq,
Gwn mbouj feih mbouj van,
Byaij bibuengq canxcanx,
Sim fanz mbouj miz fap.

Mizndang ndwen daihhaj,
Meh naj fonx ga unq,
Baengzyoux cungj daeuj cunz,
Vunzcaen caenhsim goq.

Mizndang ndwen daihroek,
Goekga mbouj miz rengz,
Byaij bingz lumj hwnj geng,
Muengh seng lwg vaiqdi.

Mizndang ndwen daihcaet,
Meh ga ndaetndaeundaеu,
Ngoenz gwn geij liengx haeux,
Lwg ndaw dungx baeuxrwd.

Mizndang ndwen daihbet,
Meh simget dungx gvangj,
Byaij yamq daemq yamq sang,
Gangj byaij ndaej hanh conh.

Mizndang ndwen daihgouj,
Youq ndaw mbouj anfaenh,
Lwg din dik yied haenq,
Meh yied raen vuenyungz.

Mizndang ndwen daihcib,
Meh ronghrib ok da,
Gaenj seng lwg okma,
Angq raen fajnaj lwg.



Dahsau Mulaujcuз diuq foux—
riengzhaeux hoh demsou.

Se Danh ingj